



重治泖湖全案卷一

青浦縣知縣蔡維新謹稟竊卑職於上年十一月間奉本府札開支幹河道設簾捕魚私植蘆葦攔阻水勢於水利農田大有關礙札委卑縣新涇司巡檢方景雯會同卑職查勘押令起除以期源流通暢而免淤積等因卑職卽會同方巡檢親赴境內周歷查勘並無填築簾基處所惟張設簾籬者甚多卑職等諭令該漁戶等趕緊起除淨盡但若輩向以魚籬爲生恐旋起旋張當取該漁戶及地保切結存案一面移請專司水利之主簿姚絢安隨時巡查遇有張設之

處卽行提究押令起除庶漁戶地保不致視爲具文
而來源亦不致阻塞矣至泖湖地方旣爲民間桔槔
漑灌之區且爲松屬糧艘經由要道卑職等逐一查
勘自婁青交界南岸泥埂起至婁青交界王家磯港
口止共計丈見三千四百六十四丈漲灘被民佔種
蘆葦日漸蔓延現在湖面僅寬二十餘丈及三十餘
丈不等查已漲地方由來已久若概行押令鏟除非
特工力浩繁此項經費亦無從籌畫惟菱蘆最易滋
蔓若不及早堵截誠恐年復一年愈漲愈廣不獨運
道阻塞卽民田亦無從蓄洩惟有於未經漲出之湖

邊徧插柳枝於所插之內乘此農隙築高五尺隄岸
以截其蔓延之路且柳條最易長發不數年間根深
蒂固並可保護長隄第沿泖縣亘數十里柳枝稍稀
仍屬無濟於事必須每一丈插種一枝共須數千枝
現由卑職捐廉購辦其挑築隄岸不能不用民力現
飭差保查明兩旁田蕩管業之人令其自行興築一
俟開工卽令方巡檢駐札泖湖督令各圖蕩戶趕緊
挑築並將捐辦柳枝多雇人夫徧行插種務使湖水
通暢菱蘆不致蔓延以仰副

院司興辦水利之至意再青邑應築隄岸之外有長

重刊河海全案 卷一
洲漚蘆灘二百四丈係元和縣地方現於圖內籤呈
應請

札飭元邑一體勘辦合將議築隄岸章程開具清摺
繪圖稟呈

鈞鑒伏祈

裁示

計呈 摺一扣 圖一幅

謹將泖湖築隄章程六條開摺呈送

計開

一泖湖兩岸佔種菱蘆湖面日見淤窄於水利運行大

有關礙今擬於未經漲出之湖邊築長隄一條截其
蔓延之路緣青邑泖湖一帶非水灘卽淤灘取土不
易現擬用稻草鋪於淤泥之上內外釘椿鎖住灘腳
先將隄外淺灘之土撈起堆於稻草之上築成圍堰
一條遲二三日俟稻草上層淤土滲乾再於隄內老
蘆灘取用上層帶根之土逐層堆高令人夫用飛礮
實築以期堅固築成隄岸後卽於隄內按照每丈插
柳一枝一二年後根深樹大護住長隄旣可免風浪
衝激之患卽重運經由兩岸亦可拉縴工竣時卽將
沿隄段落丈尺並各蕩戶花名造具細冊申送

一青邑境轄湖面東南自大草墩外婁邑交界泥埂起東北自婁邑華亭涇起兩面漲灘皆至清水港止所有佔種之處歷經勘丈有案其餘續漲之灘上年冬間奉

鈞委候補景令會同勘明大草墩及柳塔前後約計新漲八百餘畝前已稟明

院司由縣移委主簿姚絢安覆勘俟覆勘定案時照舊著繳草息分別詳請充公此次築隄免其再丈以節糜費

一沿灘築隄只可令佔種之蕩戶各就灘邊分派丈尺挑築至築成後隄外不無續漲應請於每年春融農隙由縣按冊飭傳佔種之蕩戶各就本名下丈尺將隄外新漲之土撈於隄岸加高培厚定爲歲修之常屆期仍由縣委員督飭修理儻有蕩戶不願修理者卽將此蕩查出另行召佃承種交租充公

一隄岸外卽爲漕河關係甚大從前漫無限制潮水長落菱蘆四散蔓延現擬築成隄岸束水歸溜沙泥諒無停積仍恐愚民貪利於三五六等月蒲蘆滋生之時於隄外栽種此項草根最易挂淤現請本府頒發告示刻立木榜二塊青邑挂於適中之柳塔澄照

寺內婁邑挂於泖口之福田寺內令該處住持收管
務使附近居民皆知漕河內不得植種蒲蘆并飭專
司水利之員不時嚴查遇有栽種蒲蘆者卽查提該
蕩戶移縣從嚴懲辦

一築隄不能不籍資民力各蕩戶旣按田頭興築承辦
用民之力當卹民之財多差書役卽生滋擾縣中只
派熟識書役數名以供指使由縣捐給飯食至方巡
檢在泖往來催督一切跟役船隻飯食皆據自備庶
於公事有裨

一每年冬初糧艘歸次後婁青兩邑卽會同親赴泖湖
一帶自清水港起至婁邑之泖口內斜塘口止將糧
艘經由之所逐段牽量河面寬窄深淺覈與冊內丈
尺相符卽通報

各憲備查儻或河內間有新淤卽著該圖地保傳集
各蕩戶趕緊甬撈務使運行無阻

道光七年 月 日具稟

江蘇布政使司梁爲遵批轉飭事查接管卷內奉
蘇撫部院陶批青浦縣稟起除簾籬并查勘泖湖築
隄章程情由奉批仰蘇州布政司卽飭該縣妥爲辦
理毋許差保藉端滋擾並飭元和縣一體查辦稟覆
仍候

爵督部堂暨

漕河部堂批示繳摺圖存等因到司奉此並據松江府
將婁青二縣籌議泖湖漲灘堵築圩岸章程圖摺稟
請覈示前來查此案先據青浦縣具稟到司當經前
司批飭松江府飭縣趕緊督辦完竣具文詳報仍將

境內張設簾籬處所隨時查勘押令起除盡淨毋使再有張設致礙水利並札蘇州府轉飭元和縣一體勘辦在案今據該府具稟各情除批飭另行妥議詳辦外合就札飭札到該府即便遵照先今批札轉飭婁青二縣趕緊妥爲督辦完竣具文詳報毋許差保藉端滋擾仍將境內張設簾籬處所隨時查勘押令起除盡淨毋使再有張設致礙水利其泖湖兩岸漲灘並卽查照該府所稟批飭悉心妥議詳候察辦毋稍遲延

道光七年 月 日札

松江府知府李景嶧謹稟竊照松屬三泖本爲江浙之水匯聚宣洩之所且爲松屬糧運要道近年淤淺實甚不數年間將致行舟不通大爲可慮且支幹河道設斷捕魚私植菱蘆攔阻水勢沙泥停積河身淤淺於運道農田水利均有關係當經卑府稟蒙

撫院批飭委員會同各地方官查勘將泖湖河道設法疏通而魚蘆菱蘆尤應押令起除盡淨以期源流通暢而免淤積等因遵經轉飭各屬遵照辦理並委府經歷張慶瑗青浦新涇司巡檢方景雯前往會勘去後旋據青浦縣蔡令會同該巡檢方景雯稟稱遵

卽親赴境內周歷查勘等情並據該縣會同方巡檢將議定築隄圩岸章程開摺稟送前來並催據婁縣徐令會同該巡檢方景雯并婁縣主簿章恩榮稟稱卑職夢熊遵又督協該委員等前往查勘共丈見漲灘東西兩岸計一千五百五十三丈大半爲民填築墾佔種植菱蘆丈量現存湖面雖尙有三五十丈不等其中淤灘甚多糧艘行走動輒淺阻且恐接淤日甚河形愈窄自應一律興築隄岸庶幾將淤漲堵截不使菱草蔓延築隄之後應於隄外多插柳枝以冀將來樹大根深可以護住隄埂免致風浪衝激惟湖

邊均屬淤土挑築隄岸必須內外釘椿淤泥之上鋪用稻草再逐層挑土堆築方能堅固隄身約築高五尺面寬六尺底寬一丈二尺至此項隄工係因所佔漲地不能剷除而計自應責令佔種各蕩戶各就灘邊按段分派挑築所築隄岸之外永禁再行栽種一面由縣造具蕩戶細冊於每歲春融查明隄外如有新漲卽令各該蕩戶分別挑撈以免續淤所有此次築隄需用椿料柳條等項及書役在工催儻應給飯食船價悉由卑職夢熊捐廉辦理仍俟堵築完竣將畱出河面沿隄段落各蕩戶姓名另行造冊通送以

備查考等情卑府伏查泖湖爲蘇松嘉湖之水所爭趨亦松屬糧運經行要道前於道光四年議濬三江水利案內將青境之大爛路小爛路一併疏濬現據青浦議將所築堰圩召佃墾種取租歲脩兼以收束水勢以資刷淤詳辦在案今查婁縣境轄之泖口起東西兩岸共長一千五百五十三丈又青浦境轄之南岸泥埂起至頂南尖止共長三千四百六十四丈兩岸菱蘆蔓生日漸淤成高阜盡爲附近居民所佔種現在湖面僅寬二十餘丈至三五十丈不等且中多淤灘糧船動輒淺阻不數年間勢必漲成平灘但

三泖遼闊灘漲泥塗由潮而淤土性堅結此時概予剷除工費浩大無從籌議今據婁青兩邑擬於湖之兩岸築隄以畫界限插柳以固隄根誠爲絕流杜佔起見且如大小爛路之畱堰正所以束水歸溜滌刷積淤之法但築隄之後界限固定而該湖通達潮汐水去沙停不無續有淤漲更恐不肖蕩戶難免越隄侵佔又不可不定以常年修防之規該縣等會議章程呈送覈辦前來卑府覆加酌覈擬議開摺繪圖稟呈伏祈

鑒覈訓示再泖湖工段縣長且事屬創議必須傳集

各蕩戶妥爲諭辦該兩邑各有應辦公事自難常川
在工查新涇司巡檢方景雯熟悉該處情形青浦縣
工程卽委該員督辦婁縣工程現委府經歷張慶瑗
會同協辦以專責成仍令該縣等隨時稽察務使工
歸實在事不紛擾至青邑隄工三千四百六十四丈
之外有元和境轄之長洲漣蘆灘二百四丈嵌入青
邑工內現於圖內籤明應請飭元和縣一體遵照辦
理合併聲明伏祈

鑒覈

謹將泖湖婁青兩縣會議築隄章程開摺呈送

計開

一泖湖兩岸應築隄界限查該湖產生菱蘆日見淤窄
不但於水利有關且大有礙運道今擬於漲灘兩岸
築長隄一條截蔓延之路其隄出水高五尺底寬一
丈二尺面寬六尺下用椿木墊以稻草上壓泥土層
築層礮以臻堅實仍於隄外每丈種插柳枝日漸根
枝盤結可免風浪衝激坍卸之虞此後糧艘經行如
遇風色不順亦可登岸繚挽

一兩縣工段共長五千數十丈築隄高厚工費浩繁不
得不藉資民力查該湖兩岸淤漲之灘盡爲該地居

民佔種均係漸淤漸佔由來已久且蕩灘遼闊蕩戶衆多一經究辦事涉紛擾於公無濟今擬卽令現種蕩戶各就所種丈尺挑築隄堰分力分工集事較易該蕩戶等既免查究又令築圩保衛自必踴躍爭先矣

一隄工築竣宜丈量侵地造冊存查查兩岸漲灘爲數不少於工竣之後卽逐一勘丈將佔種各蕩戶花名畝分編立字號彙造一冊通送存查其湖面之寬闊深淺亦逐段丈明造冊存案如某字號灘蕩若干畝分蕩戶某人經管於冊內逐一登明以便稽覈

一各蕩戶現種之地應免陞科以杜流弊查該湖漲坍靡常若準其報陞卽爲民產將來續有坍漲易啟訟端而於剷除條例尤多格礙且小民止圖目前之利必致越報冒陞其弊不可勝言是以祇可暫準管種不準報陞以杜流弊

一隄竣之後宜立修防之法查築隄所以截堵續漲然隄外之續漲蕩戶之越佔不可不歲定修防以免續淤應每至冬令糧艘歸次之後由各地方官親歷查勘將湖面寬闊淺深照冊逐一牽量如果覈冊相符免其畧撈儻有淤淺查係何字號之湖灘卽令何字

號內之蕩戶用力鬲撈務與原冊相符如有不肖之
戶不遵撈挖以及肆意佔種卽提案究懲一面押退
剷除另召蕩戶認種如此則隄岸日固縉道常存湖
流永暢矣

一春夏之交宜委員查勘有無越種芟蘆以免挂淤查
芟蘆產生總在三四五六等月儻有愚民及蕩戶人
等在隄外栽種此種草根最易挂淤應札飭該地方
官於此數月之內不時查勘儻有佔種立時拔除如
敢不遵從嚴懲辦

一向來蕩戶祇取草息充公爲數無幾此次築隄之後
蕩田漸成膏腴可以種植麥稻荳棉其獲利更多似
宜量增租息惟現築隄岸工費甚鉅旣藉民力挑築
尤應畱有餘於小民俾知踴躍急公且爲日後常年
修防之地茲擬將丈出續漲蕩田照取草息而前已
取息之田於築圩後自本年起俟三年後查看情形
照草息量爲酌加按麥秋兩季委員收解府庫以充
地方公用

一此次議築湖隄誠爲全湖淤墊運道阻淺挑撈無術
剷除莫從不得已議及沿灘取土築圩以通水道以
利漕運事屬創始工費浩繁人多畏難集事不易應

請概免委勘查催報銷繁文俟工竣後由卑府稟請
委勘以歸簡易而杜紛擾

道光七年 月 日具稟

江蘇布政使司梁爲遵批轉飭事奉

蘇撫部院陶批該府稟婁青兩縣籌議泖湖漲灘堵
築圩岸章程圖摺請由奉批仰蘇州布政司卽速覈
飭該府督縣遵照章程妥協辦理嚴禁胥保差役滋
擾先將興工日期報查並飭元和縣一體遵辦仍候
爵督部堂批示繳圖摺存等因到司奉此查此案前
據該府並稟到司當查新漲沙灘應行報

部陞科納完蘆課如有隱漏例議綦嚴據稟泖湖兩
岸漲灘係應剷除之所因工費浩大無從議剷準令
蕩戶開墾免其陞科等情固屬權宜辦理之法但既

準其墾種則利之所在易啟紛爭設或釀成事端在該蕩戶以官爲準墾之產有所藉口而違例漏課則上下衙門均干嚴議事關

國課未便顛預卽經批飭再行悉心妥議詳候察辦在案奉批前因合就札飭札到該府卽便遵照轉飭婁青二縣迅將泖湖兩旁應築隄岸應插柳枝趕緊妥協辦理嚴禁胥保滋擾先將興工日期通報其泖湖兩旁漲灘並遵前批悉心妥議具詳察辦均毋稍延

道光七年 月

日札松江府

江蘇布政使司梁爲遵批轉飭事奉

爵督部堂琦批青浦縣稟起除簾籬并查勘泖湖築隄章程情由奉批查民人惟利是圖每於泖湖兩岸佔種菱蘆以致湖面日形淤窄最爲惡習該縣所擬築隄插柳章程能否除弊興利并元和境內之長洲漊應否一體勘辦仰蘇州布政司確查妥議詳覆飭遵毋稍稽延仍候

各部院批示繳稟抄發摺圖存等因到司奉此本司伏查此案先據青浦縣並稟到司當經前司批飭蘇松兩府飭縣趕緊督辦完竣具文詳報仍將境內張

重刊河海全案 卷一
設簾籬處所隨時查勘押令起除盡淨毋使再有張
設致礙水利並札飭蘇州府轉飭元和縣一體勘辦
嗣奉

撫憲批司卽飭妥辦等因并據該松江府將婁青二
縣籌議泖湖漲灘堵築圩岸章程圖摺稟請覈示到
司又經照案札飭趕緊妥辦完竣并查新漲沙灘應
行報

部陞科納完蘆課如有隱漏例議綦嚴據稟泖湖兩
岸漲灘係應剷除之所因工費浩大無從議剷準令
蕩戶開墾免其陞科等情固屬權宜辦理之法但既

準其墾種則利之所在易啟紛爭設或釀成事端在
該蕩戶以官爲準墾之產有所藉口而違例漏課則
上下衙門均干嚴議事關

國課未便顛預並飭悉心妥議詳辦在案奉批前因除
呈覆

督憲外合就札飭札到該府卽便遵照先今批札轉
飭婁青二縣趕緊妥爲督辦完竣具文詳報毋許差
保藉端滋擾仍將境內張設簾籬處所隨時查勘押
令起除盡淨毋使再有張設致礙水利其泖湖兩岸
漲灘並遵該府前稟批飭事理悉心妥議詳復察辦

重刊河清全案 卷一
母稍遲延干咎

道光七年 月

日札松江府

元和縣知縣何士祁謹稟竊卑職於三月二十七日
接奉本府札開奉

憲臺札奉

撫憲批青浦縣議詳泖湖兩岸築隄章程以卑縣之
長縣漙蘆灘二百四丈嵌入青邑工內飭卽勘辦等
因仰見

憲臺慎重水利農田之至意遵查卑境之長洲漙界
連青浦爲湖水宣洩之所前據生員侯瑞麒等以仲
靄瓏將長洲漙及青邑大草墩等處填塞成田有礙
水道呈蒙

撫憲批飭勘訊節經卑職移訂青浦吳江會勘在案
祇因吳江正署疊更是以尙未勘明詳辦今奉前因
卑職本擬卽日前往勘辦緣現值陰雨連縣又值局
門考試不克分身容俟考試完竣卽當勘明詳辦不
敢稽延除稟
撫憲暨

臬 巡憲外肅先稟覆

敬再稟者竊照江南河道上承太湖下注大海通達
停蓄全賴三江今劉河淤墊日深致和塘以下久經
湮塞吳淞爲三江正幹嘉定野雞墩等處亦復淺隘

不通則太湖所藉以宣洩者僅止黃浦一江黃浦所
以能通暢者又藉泖湖容納是以道光四年辦理水
利將三泖淤漲蘆灘必應剷除情形繪圖貼說

奏明在案嗣因經費無出是以暫緩興工卑職曾任婁
縣每於進省下鄉之便必經泖湖菱草蔓生一望無
際其湖身窄處有僅止二三十丈者然幸所佔之地
並無隄岸所種之物只有菱蘆是以湖水雖淺湖形
尙寬水小之時雖不足滋灌溉水大之際菱草淹沒
勢甚浩瀚尙足以資疏洩道光三年江南水災各屬
幸獲秋收賴有此耳且三江同受太湖來源劉河吳

淞隨濬隨塞而黃浦無須挑濬者非水勢有強弱也
蓋吳淞劉河皆係河形其勢狹長灣曲故海潮挾沙
而入遇曲卽停黃浦離海較近上游皆係大湖巨浸
又無堰岸約束故潮汐吐吞地氣與地脈兩相接洽
呼應自然數百年來雖經蕩戶侵佔而其流尙不至
於淤塞也夫興作大事不能爲數世計當爲百年計
今於湖灘堅築隄岸利之所在原可計日成功然自
此之後改泖湖爲泖河意在仿照治黃之法束水攻
沙而限於形勢必不能逢灣取直日後海潮來往逢
曲沙停不四五年必至淤淺吳淞劉河其往事也查

定例沿湖漲灘永禁陞科例意精微計甚深遠小民
惑於近利但知目前之水可變爲田不知水無所容
則他日之田將變爲水此時沿湖一帶有干例禁者
尙敢私相侵佔向無圩岸者尙可私植菱蘆今若官
爲經理又復種柳圍圩而謂日後隄圩之外可使永
不侵佔永除菱蘆恐其勢未必能也至若爲運道計
則莫如挑濬吳淞爲蓄洩計則莫如剷除菱草似與
水利農田兩有裨益卑職才識淺陋固不敢偏執已
見有妨成局亦不敢隨聲附和更易舊規用特不揣
冒昧縷晰具稟伏乞

憲臺訓示遵行

道光七年 月 日具稟

江蘇布政使司梁爲札飭事奉

蘇撫部院陶批元和縣稟奉飭查勘長洲漚等處填
塞成田一案請俟試竣勘辦情由奉批查婁青境轄
泖湖前據松江府轉據婁青兩邑議請築隄插柳當
經如稟批司覈飭妥辦在案茲據元和縣何令具稟
前來除據稟札飭松江府及婁青二縣將築隄插柳
工程停止并札該司外仰蘇州布政司卽速查照另
札轉飭停止并卽委勘籌議詳辦至侯瑞麒等所控
填塞泖湖有礙水道一案並卽覈飭趕緊勘訊詳辦
均毋遲延繳等因到司奉此並據該縣並稟前來除

遵奉另札委員詣勘并飭將工停止外合并札飭札到該府卽便轉飭遵照並令青浦縣將侯瑞麒所控填塞泖湖有礙水道一案趕緊會同勘訊詳辦毋違道光七年 月 日札蘇州松江二府

江蘇布政使司梁爲遵批轉飭委勘事奉

蘇撫部院陶憲札內開查泖湖築隄圍圩一事該松江府李守前稟原因湖水散漫船隻難通欲及時修理爲通漕及行船來往之計原係因公起見惟查三泖皆緊接太湖爲瀦水容納之區近來多被侵佔私種菱蘆甚且化爲民田現在僅存泖湖一處雖係淤淺尙堪瀦水若併此全無則一遇澇歲必致壅遏上游貽患非細此案該府前稟但據婁青等縣所請遽爾興工現據元和縣所稟於該處情形甚屬明晰未便以業經批准稍爲迴護致滋後日之患除已據稟

徑飭該府卽日將工程停止儻有已築之隄迅速拆除外合亟札司立卽轉飭該府縣遵照停工剷毀毋稍刻延至泖湖久經淤塞船行艱難今年漕船經歷泖湖耽誤多日不能過渡卽其明驗兼之水勢平漫於四周田畝多有瀰溢已成鋼病應如何設法疏通并侵佔湖身如何清理及如何剷去菱蘆以期河治而上游下游均資利益之處該司卽速遴委明白諳練之員前往勘視明白妥議詳辦仍將委員銜名報查等因到司奉此除札松江府婁青二縣遵照停工剷毀外合就抄粘札委札到該員卽便遵照馳赴婁

青二邑將泖湖一帶淤塞處所逐細確勘應如何設法疏通併侵佔湖身應如何清理及如何剷去菱蘆以期水道深通俾上游下游均資利益之處悉心妥議具詳察辦事關水利該員毋稍草率顛預致負委任此札

道光七年 月 日札委候補知縣齊彥槐

江蘇布政使司梁爲札飭事奉

蘇撫部院陶批候補知縣齊彥槐稟奉委查勘泖湖情形據實稟覆情由奉批泖湖爲瀦水之區前據松江府議請築圩插柳誠恐壅遏上游致貽後患故札飭該司轉行停止并委員查勘詳辦在案茲據具稟前來仰蘇州布政司卽將該委員所稟情形細爲察覈議詳再長洲淩係蘇屬元和地方將來如何辦理應歸畫一應卽先飭蘇州府覈議由司彙覈詳辦并卽遵照此繳委員原稟及另單清摺一并抄發等因到司奉此並據該員並稟前來查泖湖爲東南瀦水

之區旱澇藉資蓄洩現當清理湖身之際必須深思熟慮籌畫萬全原未可草率興工致貽後患如果築隄插柳有礙將來正不必以功在垂成因小利而忘大害儻湖身已屬深廣菱蘆已就芟夷其灣曲處所更無泥沙停滯致使日後淤漲之虞於上下游均無阻礙卽當查照原議章程趕緊辦理以免蔓延而清界限亦不必稍存遷就之見惟兩岸漲灘袤延廣闊皆係湖泥壅積居民侵佔所致原應一概剷除今以工費浩繁無從籌辦仍令蕩戶管種收其租息固爲權宜之計第從前並無圩岸僅堪種植菱蘆現在一

經築隄則蕩田漸轉膏腴可種豆棉麥稻更無剷除之日水利所係旣不便詳辦陞科而地已成田亦恐干隱漏之議況小民惟利是視紛爭侵奪均所不免事關民生

國計不容稍涉顛預查蘇州府陳守曾任松江府元和縣何令曾任婁縣於泖湖情形均能熟悉奉批前因合抄稟摺飭議札到該府卽便遵照會同松江府李守督同何令查照

憲批抄稟及指飭事理悉心妥議詳候覈轉毋遲計抄稟摺

道光七年 月 日札蘇州松江二府

候補知縣齊彥槐謹稟竊卑職接奉

憲飭奉

撫憲札開泖湖築隄圍圩一事飭該府將工程停止已築之隄迅速拆除外其應如何設法疏通併如何清理湖身遴員勘視妥議詳辦等因奉此仰見

憲臺慎重水利農田之至意卑職遵卽束裝馳赴吳淞隨同李守范丞會同青浦蔡令婁邑徐令前往泖湖查勘切思三泖爲太湖宣洩之區被民侵佔成田僅存一泖若任芟蘆蔓延灘圩日長復令築隄圍岸

變湖爲溝勢必壅遏上游貽患匪細卑職入青浦境卽詢問水濱農民據云向來泖湖蘆葦叢生彌望無際糧艘經過插標作識時虞淺阻今年二月奉縣主之諭用鐵搭連將蘆根拔出挑去淤泥湖水一律深通湖面比前寬闊初聞此言未敢深信自入泖口豁然開朗水光如鏡渣滓全無寬處一百四十餘丈狹處四五十丈深處一丈餘尺淺處五六尺不等弔查舊卷比較從前寬深丈尺幾至加倍如果嗣後照此辦理可期水道深通與

憲臺剷去芟蘆清理湖身之諭正相符合惟築岸一

層似未妥協推原其故亦非得已蓋剷除蘆灘其淤
泥無處運送只得置大草墩一帶舊岸並非另建新
隄且因愚民貪利暫時剷去菱蘆難保日後不復侵
種將岸稍爲培高嚴立界限陽以護旣成之畝陰以
杜續漲之灘且現在潮退之時隄堰出水二尺餘寸
設遇澇歲此隄已沒入水中亦自無妨宣洩惟是完
工之後尙須請示勒碑申明禁約總不許舊岸之外
再長新圩則運道可期暢通而農田水利均有裨益
矣所有查勘情形謹據稟聞
敬再稟者李守接奉

憲札卽飭婁青兩邑停工故湖邊圩灘尙有未經剷
淨處所蓋因挑出淤泥非堆置老岸之上實無處運
致也據卑職愚昧之見隄岸固不宜過高致妨宣洩
若橫裏加闊未始不可與范丞商酌意見相同現在
挑淤培岸工程十完七八墮於垂成似覺可惜合無
仰懇
憲恩轉請

撫憲仍飭該縣趕集人夫照前辦理剷期竣工實爲
公便再查元和之長洲漣一片菱蘆二百餘丈若係
官地應令一律剷除如係民間私有之業亦宜勘定

立界免致蔓延滋患是否有當伏乞

鈞裁再查云味之其賦斯一其麥蕪二百餘石

今將探量婁青三邑水面寬深丈尺開摺呈鑒

計開

一古浦塘外泖湖東口北岸王在坤田頭 南岸顧金鶴田頭水面寬四十

八丈中泖水深一丈二尺北邊四尺 南邊六尺

一泖湖北岸中塗 南岸南灣水面寬一百三十三丈中泖水深八

尺北邊三尺 南邊四尺

一泖湖北岸王家港口孫祈佑田頭 南岸大草墩莊南觀田頭水面寬一百二十

六丈中泖水深八尺北邊五尺 南邊四尺

一泖湖北岸 南岸婁青交界大草墩水面寬一百四十三丈

中泖水深八尺北邊五尺 南邊四尺不等

一泖湖北岸王家 南岸張大海圖內水面寬一百二十一丈中泖

水深八尺北邊四尺 南邊三尺不等

一泖湖塔洲前南尖西沿水面寬八十八丈東沿水面

寬四十六丈五尺中泖水深八尺東邊三尺 西邊四尺不等

一泖湖北大爛路港外西口水面寬五十五丈中泖水

深七尺五寸兩邊三尺 四尺不等

以上兩岸枯潮時老灘高水面二三尺不等

以上兩案皆屬河道官制請水即三三三三三三
案十只五下兩案十只不詳

一、斷斷北大段湖淤積水西口水西置立五五五五五五
費四十六支五只中將水到入氣然於一五五五五五

一、斷斷湖淤積南尖西置水而置八十八五五五五五五

水到入氣然於一五五五五五

水到入氣然於一五五五五五

水到入氣然於一五五五五五

水到入氣然於一五五五五五

江蘇布政使梁章鉅謹稟案據松江府李守具稟松
江三泖本係江浙諸水匯聚宣洩之所并為松屬糧
運要道近年淤淺實甚且支幹河道設斷捕魚私植
菱蘆攔阻水勢於運道水利均有關礙當經委員查
勘會議築圩插柳章程由府覈定通稟

憲鑒批飭遵辦在案嗣奉

撫憲札飭以三泖皆緊接太湖為瀦水容納之區近
來多被侵佔私種菱蘆甚且化為民田現在僅存泖
湖一處雖係淤淺尚堪瀦水若併此全無則一遇澇
歲必致壅遏上游貽患匪細現據元和縣所稟於該

處情形甚屬明晰未便以業經批准稍爲迴護飭司轉行停止卽速遴委明白諳練之員前往勘視妥議詳辦等因遵經飭委候補知縣齊彥槐前赴泖湖一帶查勘去後旋據該員稟奉
撫憲批開泖湖爲瀦水之區前據松江府議請築圩插柳誠恐壅遏上游致貽後患故札飭該司轉行停止并委員查勘詳辦在案茲據具稟前來仰蘇州布政司卽將該委員所稟情形細爲察覈議詳再長洲漚係蘇屬元和地方將來如何辦理應歸畫一應卽先飭蘇州府覈議由司彙覈詳辦等因奉此竊維泖

湖爲東南瀦水之區旱澇藉資蓄洩又爲松屬糧艘經行要道一有阻礙爲患匪細但李守所稟築圩插柳一切章程是否妥協本司於該處情形未經目覩不敢冒昧詳覆且聞吳淞在在淤淺急須挑濬農田水利關乎

國計民生者甚大均應親詣確勘籌議辦理本司於五月十五日帶同原勘吳淞之總捕同知范博文近勘泖湖之候補知縣齊彥槐督率松江府婁青上海等縣先至吳淞次至泖湖逐細察看查泖湖古有三泖上承浙西諸郡及吳中薛澱諸湖之水以達於黃浦

江沿泖居民貪逐小利張設魚籩種植菱蘆溜滯淤
停蔓滋灘長長泖大泖久已淤爲平陸今僅存圓泖
一區周圍約有二十餘里自嘉慶年間泖塔前後及
大草墩等處漲出草灘奉

前督憲費札飭犁平緣工費浩繁土無出處雖經入
奏終不能辦而小民因無限制恣意拋撒蘆根漸淤漸
廣道光六年勘丈已有二千餘畝之多每歲糧艘經
行從菱蘆中插標作識時虞淺阻若非嚴立界限不
及數年必致淤爲陸地長大二泖是其前車本年李
守與婁青二縣計議卽將萬難剷除之老灘作爲界

限委青浦巡檢方景雯勸諭沿泖居民押令拆毀罾
基魚籩將老灘所有菱蘆連根拔去挑撈淤泥堆置
老岸之上沿圩種柳以清眉目此實截流杜佔之一
法業經李守稟明在案弔查舊卷上年泖湖寬處不
過二三十丈中泖水深四尺今則寬處一百四十餘
丈窄處五六十丈中泖水深丈餘沿邊水深四五六
尺比較從前寬深丈尺不啻加倍蓋蘆灘剷淨湖流
通暢則水亦刷深且大草墩一帶老灘離岸遠者五
六里近者二三里並非接連一片或斷或續港汊極
多四通八達於來源毫無阻礙現在隄堰出水二尺

重刊湖海全案 卷一
餘寸設遇水勢盛漲均已沒入水中自無妨於宣洩
李守築圩插柳之議似可準行所有停止未完之工
應飭婁青二縣趕緊辦理完竣其元和界內之長洲
漊一片蘆灘二百餘丈挺入湖心誠蔓延滋患應飭
設法剷除以歸畫一惟善後事宜尙須詳議經界不
清則無所查考賞罰不立則無所勸懲再四思維惟
有委明幹之員將全湖寬闊丈尺分段牽量各段皆
於岸旁立碑大書深刻以杜侵佔向來吳淞泖湖等
處漲出草蕩不準陞科原爲得少失多恐妨水利起
見且遇水大之際恒被淹沒不能成田亦本難以陞

科然任民間自種自收恐開爭奪之漸查泖塔前後
大草墩等處漲灘前經慶陞司詳明草息充公以爲
書院膏火是此灘本屬官地嗣後沿泖農民應按名
編冊佃種草地卽責令剷除新淤每歲所入除交草
息外餘卽爲該佃刈蘆挑淤之費嚴禁胥役人等需
索陋規一如屯田治河之兵丁海塘防巡之保長河
隄海塘餘地令其耕種收穫卽責成其保守隄塘勤
則永令承佃惰則懲治革退賞罰分明農民自知奮
勉所收充公之草息雖微所省治河之經費甚大老
灘旣充公有著豪猾自無所用其覬覦從此再無續

重刊河海全案 卷一
漲新灘則蕩民之爭端永息然官不實力奉行終歸
廢弛查婁青二縣主簿本有水利之責卽令專司其
事三年之內查無續漲新灘立予陞擢儻或巡查不
力得規徇縱致有仍前偷種茭蘆私設簾籬等事重
則參處輕則撤回而守令兼管疎防亦不能辭應得
之咎如是官民交倣泖湖可保無淤運道農田均有
裨益竊謂此法不特泖湖可行如龐山薛澱諸湖吳
淞黃浦二江凡有關瀦蓄宜洩要害之區均當遵照
辦理則水利可興水患可除矣至吳淞江爲太湖入
海尾閭尤關緊要禹貢三江旣入震澤底定言三江

通暢而後震澤安瀾也東江故道久亡婁江劉家河
近亦湮塞震澤全湖歸宿全賴吳淞一支而流復不
暢一遇淫潦則港溪漉蕩泛濫無歸以致道光三年
之災遂爲從來所未有本司逐加履勘四江口以上
寬闊尙有十餘丈水深八尺餘寸四江口以下江漸
狹窄節節高仰迤至上海之野雞墩闊不盈丈深不
及尺一葉扁舟非潮不渡蓋不惟溜弱沙停而兩岸
墾種灘田坡坦土鬆時時坍塌據委員范丞稟稱此
次所勘情形較前月已淤增數寸若不急加挑濬竊
恐轉瞬之間卽爲劉家河之續查龐山薛澱諸湖向

皆由吳淞入海因吳淞淤墊遂趨黃浦蓋來源不暢則不足以刷泥沙而去路不寬又不足以容灌注故欲濬吳淞總須從源竟委徹底疏通挑深必一丈有餘展寬必十丈以外始可收建瓴之效敵潮之功若將就估計苟且目前隨挑隨淤終歸無益統計五六十里之內切灘築岸打壩挑河似四年所估三十餘萬之數必不可少工程浩大經費難籌竊思松江府志所載前明及我

朝康熙年間均係

奏請截畱江浙兩省折漕銀兩以充挑濬吳淞工費之

事惟現在度支短絀恐難踵行此則以至要之工而不能不從長計議者也本司愚昧之見是否有當伏乞

訓示遵行

爵督部堂琦批據稟查勘泖湖水利定經界而嚴賞

罰俾爭端可息續漲可除誠爲善舉至吳淞四江口以下爲洩水要區今旣節節高仰淤墊較甚更當亟爲疏治應作何籌費估辦之處仰候

撫部院覈示遵行錄報繳

蘇撫部院陶批據稟查勘泖湖築圩插柳於來源毫

無阻礙事屬可行仰卽飭令婁青二縣辦理完竣
其元和縣界內應設法剷除及善後事宜并飭各
該屬遵照辦理至吳淞淤墊必須澈底挑濬該司
并卽速籌款項早為詳辦毋遲仍候
爵督部堂批示繳

會督浙寧蘇世熱稟查得甯海木匠家盤界而銀賞

順治十二年

下各縣分設局員具各官當水
海寧縣知縣王世熱稟查得甯海木匠家盤界而銀賞



